

四庫全書

集部

欽定四庫全書

集部

松泉集

卷二十八至
三十二

主事 臣 汪彥博覆勘

武英殿纂修編修臣祝瑩

欽定四庫全書

松泉集卷十八

宋

吏部尚書汪由敦撰

元旦五鼓入直恭錄

御製元旦試筆詩敬成一律志喜

元會嘉辰聽漏時
西清秘直喜先知
重光世遇重光歲
第一人吟第一詩
鵲鵲香烟簾外合
霏霏瑞露筆端垂
萬方

錫福同稱慶染翰叨榮事事宜

恭和

御製恭奉

皇太后南巡啟蹕京師近體言志元韻

鳳紀重逢歲在辛鴻儀連舉重敦倫

祈年夙戒精禋達揆日旋看

法駕巡羲象省方行地觀

瑤圖添算自天申

大安親奉娛

慈壽

溫詔覃敷惠兆民廣甸青圻開

帳殿莊衢綵仗肅勾陳初程星月花燈夜一路山河錦
綉春梅為催詩經月待溪看罨畫逐時新

天章神到如泉涌素筆多慚屬和頻

恭和

御製聞山東得雪元韻

雪滿郊坰直到齊喜邀

睿賞入新題一年好景無過此三白休徵益信兮青嶽
望中餘靄積

翠華臨處衆心徯

天公為報農祥慶用慰

宸衷感舊悽

恭和

御製趙北口行宮作元韻

北地烟波濶深春物象妍
今來冰未泮頓覺景殊前
貝闕銀繩界珠宮玉鏡懸
好留明媚色更試水園船

五夜酬佳節燈花照眼明

御營排日賞韶景
逐宵評星斗流光燦
魚龍起蟄驚為占
豐稔慶農事劇闌情

恭和

御製燕九日觀燈元韻

落燈時節晚烟濃
轉轉覺青郊氣象融
喜報麥秋盈尺雪

早催花信幾番風火蓮競吐千枝談仙杏虛傳十里紅

地名紅

杏園

行殿初開逢勝賞從知佳節上林同

到處迎

鑒樂意濃太平有象發春融行宮仍見溶溶月高燭猶

燒嫋嫋風仙蹟尚傳雲滄白

燕九京師舊俗也相傳以為長春真人邱處機得道日白

雲觀遊人最盛農祥應喜粟陳紅瞻雲豈獨應酬節望幸惟心

遠近同

恭和

御製曉行元韻

樹綴瓊枝路界銀曙光遙映雪光新
竈薪殘火猶含濕
岸柳柔條未放春
早晚農功占物候
盈寧民氣愜
時巡玉鞭不避衝
寒出端為村郊鼓腹人

恭和

御製入山東境元韻

烟樹蒼茫度廣川
南來斥堠判齊燕
入疆為問東西郡

隔歲全收上下田岱色平分千嶺雪野光初散萬家烟
龐眉老叟聽傳說宛是

仁皇駐蹕年

恭和

御製恭依

皇祖南巡過濟南韻

羽騎駸駸歷下城重瞻

清蹕慰羣生百年休養民風樂二月時巡物候平勸課

惟時勤力作蓋藏宜裕善持盈自緣

雨露霑優渥馬首紛披瑞靄橫

恭和

御製過泰山恭依

皇祖詩韻

東風載旆循山麓遙望雲峯最上頭嵐彩霏霏天際卷
烟光漠漠樹中浮登封那用徵三古縱覽應教隘九州
會俯滄溟看初日東西百丈小淹留

山前攬轡疑迂往馬上翹觀屢舉頭未了青連平野合
空黛逼遠天浮漫傳秦漢壇邊樹誰見裨瀛海外州幾度留題
宸翰在榮光長與翠屏留

恭和

御製渡汶水元韻

路轉青齊過汶津微黃未放柳條新輕冰似怯虹梁壓
餘雪渾如畫手皴藹藹當空雲影霽熙熙入望物華春
宸遊親攬豐盈象樂意相關自有真

恭和

御製望蒙山雪色丹成元韻

岱宗南去數峯同
縞纈千林入望中
一色平雲連朔野
半空浮靄護東蒙
馬頭遙指盤盤路
旗尾猶吹獵獵風
法祖勤民清蹕駐
村村童叟頌神功

恭和

御製郊城道中元韻

輦路新蕞未放尖
春行隨處試吟拈
鰲陽宿靄迎飛旆

羽畎輕嵐入縠帳夾道棗林多舊植幾家茅屋愛新添
祇憐征客衣裘薄難禁霜風到曉嚴

恭和

御製恭依

皇祖示江南大小諸吏詩韻

聖人居九重動念周垓隄稽古肇時巡民瘼為新剖江
表驛程遙望幸良已久仰惟

仁皇年六舉惠黎首我

皇勤繼述安輿慶

王母尤殷咨牧意最重在南畝衣食計所先蠲恤時恐
後餘三籌蓋藏惟百慎職守青衿戒佻達赤子敦孝友
淳風比羲軒幼長者老壽勉惟良股肱

明訓罔或負

恭和

御製宿遷道中作元韻

下相城邊

御輦巡濱河蹕路不驚塵民貧寧免教中澤俗薄何能
洽比鄰所賴撫綏先事脩更叨煦嫗

沛恩頻即今道左扶携者總是

皇仁再造人

恭和

御製見新耕者元韻

一夜程廬聽雨聲憫農遑恤旅人情此間常廛為魚患
爾日欣看叱犢耕歸及麥登應早穫勤先播事冀秋成

南橋北轍交承處荷笠扶犁與細評

恭和

御製賜沈德潛元韻

碧山樂志幾經春

聖主優嘉意更親江國風光專付與詞壇耆宿美完人
身輕偏耐窮探勝律細尤能力去陳捧得

宸章來鑑曲榮光長自耀松筠

恭和

御製清江浦元韻

清淮直注大河濱永奠平成

聖蹟新銜尾舳艫從利涉駢肩新竹憫勞人平沙春淺
青鋪草遠渚風輕綠泛蘋最是淮陰西埭路金堤鞏固
亟垂詢

恭和

御製塔灣行宮恭依

皇祖詩韻

寶級金輪擁鬢華
帆檣近岸列如麻
鴈堂香繞三千界
雉堞雲連百萬家
潮起夜聲瓜步月
雨添春色廣陵花
自是

詒謀昭儉德
問閭漸識戒驕奢

恭和

御製天寧寺小憩元韻

梵宇雲邊披宿霧
春寒隄柳未全舒
貝多舊誌神僧蹟
蘭若長留太傅居
鼓角無聲叅佛諦
衙謠有頌愛民譽

風光到處供懽賞

飛藻從無片晷虛

恭和

御製渡江駐蹕金山元韻

長江天塹久恬寧

鳳舸平移愛始經
元氣混茫浮日月
天風浩蕩御仙靈
亭臺簇擁中峰碧
烟火平分兩岸青
曾記客行貪利涉
疎鐘只向柁樓聽

恭和

御製初登金山得句元韻

浪洗盤陀萬古青不須五嶽寫真形
近天更覺天無際拔地方知地有靈
塵翳纖微從不到波濤晝夜幾曾停
初登便識

宸襟曠眼界從看極渺冥

朝昏遠際東西界吳楚中分南北天
晏坐何當叅古佛遨遊須是挾飛仙

翠華幾度傳

堯蹟畫鷁初臨紀

舜年鼓角聲高人未散夜深燈火萬檣連

恭和

御製遊金山寺用蘓東坡韻兼效其體

大江源出岷峽長漢沔潛沱同入海奔騰一瀉直萬里
豈識中流有山在開山從說裴頭陀老龍聽法川靜波
青囊竒術無寸土流傳好事何其多

雲帆徑渡烝徒楫，簫鼓悠揚好風日。
瓜步迴看烟嶼青，海門直射朝暎赤。
樓觀參差煥金碧，厓屨峭削積鐵黑。
妙高臺上望眼明，練平無復天吳驚。
指點江城名可識，麕藻紛披羅景物。
笑謝方蓬海上山，十洲祇看頑仙頑。
底似崇椒厯無已，萬丈虹光照江水。

恭和

御製潤州道中元韻

潤州城郭水光涵，綵仗經過漸向南。
多少江鄉民就日，

翠華行處為停驂

詩人別業漁樵地
丁卯橋聞勝午橋
淡日微風深駐輦
小紅鴈齒映春潮

恭和

御製惠山寺元韻

一徑沿緣入碧螺
濕雲彌谷布兜羅
恰乘雨勢新泉壯
善助山容老樹多
長史樓臺成寂靜
耆英林壑樂婆娑
亭邊指點

宸遊處長仰

天光頌有那

恭和

御製汲惠泉烹竹鑪歌元韻

從來一見勝百聞勝趣豈以今古分山泉得名溯鴻漸
甲乙雖判皆空羣坡翁過此數題句肺腑冰玉絕點塵
後來性公敦雅尚製鑪以竹叅質文泉味香冽詩味永
沁人齒頰餘清芬鑪傳以人亦以地此詩此畫非空陳

裁筠范土亦易曷以重若珠盤敦叶煨鑪想見啜茗

致瓶笙不藉松枝薪徒令好事強標置烟雲滿眼尤紛
紛山靈呵護四百載得失聚散何足云延津劍合識官

印保守欲借開府權叶豈知

清蹕此臨駐披圖汲泉喜鑪存就鑪煮泉發

高唱泉流飛湧詩境新

濡毫一一寫橫卷至寶豈獨山房珍至寶豈獨山房珍

幸哉附名卷中人

恭和

御製題惠山竹鑪畫卷用前人韻

茲山空腹乳流泉
瓦鉞筠鑪試一煎
雅製尚傳洪武日
上供不數政和前
松成鱗甲如龍擾
花藉坡陀任鶴眠
聖蹟長垂

宸藻繼千秋勝賞一時全

恭和

御製遊支硎元韻

道林幽隱處，遠山動春色。
修篁夾徑深，老樹倚巖得。
石室何谿谿，靜境覺超特。
四圍嵐翠飛，一線烟痕冪。
宸遊此乍臨，曠望渺無極。
探幽悟入微，憇閒機暫息。
鶴去如可招，亭古亦時厯。
下山萬騎歸，綠雲護行蹟。

恭和

御製華山元韻

秀出羣山山盡下，問渠何處移來者。
峰頭削出疑自太，華分勾引三吳擁。
輿馬凌虛曲折摩，鳥道中有僧盧諷。

般若松聲倚巖時捲濤竹色入雲欲圍野

杜詩竹光
團野色

頭聞有石蓮花服之成仙致瀟灑得非玉井如船藕偶

託孤根澗流瀉

宸遊一望攬全吳披襟當風豁如也諒哉山水發幽竒
能使人文歸秀雅唐沈文僉能者誰第一峯圖此應寫

恭和

御製吳山大觀歌元韻

餘杭何處攬勝多吳山大觀

帝有歌延緣梯登躡虛景下睇塵界雲作窩當年米芾
題第一萬象廻薄供爬羅海門烟消白無際江湖滾雪
來我我去帆目送時出沒越山遙轟千青螺紫陽仙人
丁野鶴遺蛻疑有威靈訶洞深亭敞至今在刻露幽異
誰能加碧霄清切接蘭檻奔騰羲御來姮娥紅霞百道
市起蜃彩虹千尺梁駕鼉高松怪石絳烟霧顧盼直與
雙高摩前遊一瞬三十載景多欲記還愁訛廢歌句媿
欠琢磨吳山大觀

帝有歌

恭和

御製天竺寺元韻

何來竺國舊禪林
寶馬金車愜勝尋
飛瀑作聲風籟響
老松撐蓋午陰深
白雲青嶂時開闔
澗草巖花自古今
最是

宸遊經過處
伽陵仙鳥每聞音

恭和

御製韜光元韻

精藍岩腹藏深曲
窈何極覓徑穿竹陰
日景不漏隙徑
轉忽辱豁濛濛飛翠滴
卻顧所來處蒼煙幕
行跡好鳥
夙未聞名花乍相識
往往泉鳴澗時時雲覆石
更上最高頂曠望長天白
江流飛匹練海潮捲片席
聖湖一杯水倒影象山直
萬象不可名靜觀總自得
憇閒偶息機
迎爽若開塞羽騎意閑閑
直是遊山客

恭和

御製渡錢塘江元韻

龍舟晴曙渡錢塘南指稽山舉

省方江面千帆開曉錦波鱗五色動朝陽射潮蹟尚傳
吳越捍海功還邁漢唐看取安瀾知

聖德豫遊誰不慶非常

題錢廉察為其妹汝慎畫竹

解籜含新粉凌霄節便高苦應分柏翠靜不起松濤秀
愛青鸞尾光添紫鳳毛

少司冠香樹先生長媛也早寡風霜憑飽歷相

水埭清操

荷珠應

制

綠池新雨過翠蓋洒珠妍
顆顆當風轉累累浥露鮮
擎來初出浦傾處恍藏淵
分向盤中落凝成掌上圓
欲採驪未睡不定蟻難穿
象罔何從覓原非色相天

七月下旬

恩賜鮮鹿肉至自

行在香樹司寇前輩適示食蟹啗字韻詩即用成韻紀
恩一章兼呈司寇

常年扈

清蹕豹尾竚容濫今秋行大獮輟直留臺暫侵晨急遞
馳經昔郵符勘頒鮮自尚方胥徒勞負擔遙計

翠華臨並塞愜豐歛呼圉風颯颯振旆雲淡淡旌門晚
數獲佗藉舉充贍壯夫爭賈勇情怯藉攻砭割來箭血
殷魚炙香味醃安居得沾飲坐幸熊魚兼珍重熟薦餘

舉家快分啗何來意外喜妙語傳謝監公方戒老饕走
益惡踰泰食時觀以五過寵思當三敢恣忍願樂或抱
噬腊憾

慈惠與良規一一矢名鑿

題方宜田制府貯蘭圖照

科頭晏坐梧竹中軒然眉宇凌秋空隱囊絳帙致瀟灑
豈問牙齰摩晴虹薇省當年盛才調屬鞬磨盾行邊徼
即今勲業比安陽閔古堂開還坐嘯

見韓魏公定
州閔古堂記

清時使

節優專寄于從從公數遊契沙岸
寥艾濁浪驚慢城聽
漏光風麗圖中香
浥崇蘭紫瓷斗紅
泥時新蕊漫綬長
佩擬騷人自賞幽
芳愛君子琅玕結
實桐蓂萼交柯端
待雛鳳棲更憑雨
露東皇力九畹連
叢花葉齊

壽黃崑圃先生八十

宿望

三朝重斗台秋堂佳氣朗
昭回天從韋杜城南近人許
者英洛下陪仙籍縹囊金粟
粒賓筵玉露菊花杯行聞

太史登臺奏南極星輝北極來

靈光巋立瑞人間行輩詞垣孰與攀宮相聲名推特達
平泉寄興屬寬閒憑添盛事登科錄迴數當時供奉班
今值西池稱

國慶康衢玉杖擁朱顏

高門列戟邁金張鼎望崆峒戴斗鄉甲第日邊光化里
午橋都下集賢坊渥洼早駢臺驄步棣萼俱傳榜蕊香
看取德星歌壽愷華簪接席笏堆床

高名厚福得天全
甲子重論絳縣前
上壽宴迎聞喜宴
杖朝年值立朝年
共欽輅伏傳經叟
豈羨松喬注籙仙
後進敬隨床下拜
敢希入社附新編

敬題蟠桃獻壽圖應

制

玉衡燦榆街流景
琪樹林林中的皦
耀朱實其大如斗
磊磊冠碧岑顆疑
磅礴山種出崑崙
圓紫文綺葉煥朝
霞掩映扶桑萬萬
古人間方朔應未
知海上安期詎經

睹嘗聞此桃一熟三千年雲臺服食成飛仙虬枝屈蟠
不可尋丈計青鸞白鶴往往上下於其間彩芝碧柰無
足比何況交梨火棗崑流蓮露凝五色互連綴移傍
長樂之宮露井前璇居便同瓊華闕天漿正散春宵筵
金母之觴自茲始桃熟千徧萬徧長相鮮

奉

使閱京畿南北西運河減水壩及永定河下口厯香河
寧河寶坻武清靜海天津青縣滄州諸境即事

呈使相高公制府方公

漳衛自南來潮潞由北至交滙丁字沽轉漕資永利所
患伏秋汎遠近奔流萃適當海潮來怒騁天吳轡湍波
正東下却復三舍避滴汨無歸壚橫決不擇地縈紆一
線堤畚鍤安能制因之疏減河分流殺其勢壩以暢宣
洩亦以慎啟閉循軌各委輸積久復壅滯濬淪稍施功
謹師前事智淺阻既深通就下性斯遂嘗聞

聖謨訓河以不治治

永定古無定經流號桑乾營度始

聖祖禹跡垂不刊雖置堤與防妙用居以寬南北惟所

之往往成灘灣沙淤最宜麥三秋誇飽餐

諺云一麥
抵三秋 稷

耒日開廣村落亦滋繁與水爭尺地築室西堤間風濤

中夜至軀命委驚湍我

皇親指授六飛駐河干堤高河益高流順堤自完顧憫

愚氓愚規利圖苟安遷之適樂土發帑拯厄艱尾閭既

宣暢平漪渺瀾漫鳳河與清淀容納無後患憑軒一以

眺炊烟出紫關何幸瀕河民長此慶安瀾

瀕海地卑下積歲苦淫滂聲衆水所爭趨彌望歎滌冰

我來值嚴冬層冰猶皓皓馬蹄蹴冰響云是田間道想見
夏秋時步步愁滑倒往者事水利疆理競營表北產重泰
稷不慣食秔稻所種非所食雖貴詎為寶強之易其宜
寧免怨紛擾書生守故紙方俗未深曉南國稱水鄉霑
雨時不少小港接長渠塍溝連曲沼笠屐遠相尋阡陌
自了了此間驅車途淖潯那能保蒼茫指村墟弱水隔

洲島良苗付巨浸昏墊嗟鮮飽伊古別三農人力不容
矯距川先畎澮王制政可攷但使溝洫通隨地納行潦
疇隴各區分經塗互繚繞去害即為利豈必秧田好數
浸隸職方單子憂第草周諏諗良牧旁詢台故老因勢
而利導尚勿陳言掃

自永定南埕厯武清境坐冰床抵楊柳青作

畿南七十二淀納衆流寒冬冰塞道阻修編葦橫度直
西版施茵張幄如碧油一夫牽挽躬偃僂不歌不聳行

不留頰肩翻笑勞八駟鳥道絕空濶蟻行繞沙洲平移
穩似循軌轍轉旋捷過迴輪輶睽若鶩鶴列散若鳬鷺
浮陸不羨驂騑千里絕塵足水不羨龍驤萬斛乘風舟
歲晚還伸濟川用利涉切厪履薄憂我銜使
命馳星郵役夫取徑得少休獨惜不為月下遊吳儂老
向烟波曉權謳平生竒絕見此不

嵩山

今年

時巡及嵩嶽欣逢

萬壽稱三多茲山之靈先候驛風雨所會陰陽和

茂典爰修紫望舉懷系詎調升中歌天光容容雲喬喬
彷彿報旣受福那思真之天第六洞太室少室相迴控
圖成恍睹金箱形要比南山堆綴衆洛水界後龜符呈
潁水縈前穀紋動石室函經出自然玉膏流暖瓊漿凍
太室二十有四峯萬歲峯高萬瑞鍾少室三十有六峰
九霞縹緲蓮花容啟母石邊嵐翠合貝多林裏香光濃

最高玉女搗衣處天中秀擢千芙蓉
緱氏山明轉笙曲
少林寺靜傳衣繡仙家日月本來長
佛祖菩提還具足
蚪蚪嚴藏蚪蚪書逍遙泉出逍遙谷
桐雲自叫青鳳凰
蕉露時飛白蝙蝠石脂如乳石柱清
勝比珠顆盤中盛
食之壽與天地並不假駐顏餐玉英
况聞申甫維嶽降
惟

聖得賢調太平年年月似今年滿歲歲山呼

萬歲聲

恭和

御製賜司業顧棟高詩元韻

詔徵實學勸劬書耆宿金門喜振裾稽古榮因逢

聖代明經老更拜新除辟雍階晉名高甚秘殿趨來貌
肅如白首瞻

天真異數豈云歲晏孰華予

造膝敷陳語帶吳廛原山澤倍神腴

恩光寵賁銜丹鳳晝漏頻移轉相烏榮過賈生虛名問

健逾伏勝暫朝趨春歸好語南邦士鄭重

宸章雅好儒

壬申春帖子詞

玉琯條風麗辛盤却餞辛青旗催鵬鼓十日己先春

春暉早暎萬年枝

長樂稱觴瑞旭遲共慶仙籌添海屋重開寶籙獻

瑤池

麟鳳聯開仙蕊榜龍鸞新煥

紫泥章占年更協三農望甘雨和風慶萬箱

松泉集卷十八

欽定四庫全書

松泉集卷十九

士中上

吏部尚書汪由敦撰

正月二日侍宴

乾清宮恭和

御製元韻

開歲芳筵次第陳春生

天藻一堂親候時早協豐穰慶保泰同沾德化淳詩繼

蓼蕭歌譽處律諧太簇
電訢閭願將喜起賡
颺意溥被
垓埏擊壤人

題古幹梅應

制

一段枯槎澗底僵
陽和特與發真香
平山鄧尉千千樹
珠玉翻成時世粧
嗜古故應憐晚遇
銜

恩何幸得先開
江鄉籬落多奇品
總合移根

上苑栽

塞北江南處處春幾瞻

仙藻富清新若從物候占遲早更信

天工筆有神

董東山宗伯于試院撫趙吳興松陰亭子圖佟野

園宗伯屬題四首

奎堂把卷畫從容尺幅揮成興自濃多少門前桃李樹

伊誰磊落比高松

牙絃何處覓知心流水應調琴筑音更有風流相賞處
飛清謾散清陰

白波青嶂杳沈冥秀石藂篁帶草亭別與南宮添故事
不須蟹眼記茶經

留題金石紛餘子誰辨烟雲飛滿紙從知今日董容臺
合是前身趙承旨

正月八日錢香樹前輩招集三子皆侍

開歲枉嘉招下直戒早赴尤欣得良辰新雪繁積素三

冬望頗殷可寶勝瓊璐入座無雜賓各以三子御前席
命阿孫頭角已先露長筵列燕寢是我舊居處軒牕故
依然門逕稍迴互憶昔作比鄰諸郎甫童孺俯仰二十
年翁姬幸如故免曹易長成鬱若春園樹優為鳳池英
劣亦翔粉署君家渥洼產汗血振高步吾子殊庸庸豚
犢何比數墮地各有分賢愚信天賦迴首締交初藉辛
日相訴望賒今更過默計良足懼公老力尚勤乳醵八
九哺閣後試啼聲白鬢笑而顧殷勤貞晚節前路善保

護遭時會一效所惜非遲暮盡懽不辭醉官程正休務
暢懷瑞霙渥應象德星聚鼎鼎百年中此會能幾遇紀
之示來昆孔李竊所慕

香樹前輩寵示和章疊韻呈教

君才浩滄溟含納百川赴攬結愛景光披豁見情素冥
搜得元珠陸離紹連璐廿卷編甫就

顧問促進

御璫寶不終秘精采時發露走也驚望洋亦畧識佳處

時後不自量挑戰韻重互况茲恆心期招携逮童孺向
榮各懷新追惟仍道故卅載惜流光十圍指庭樹春坊
與秋曹往者再同署池鳳喜重跡磨驢笑失步談笑縱
忘形飲啄良有數積抱聊一傾感會偶成賦有如候蟲
吟惻惻畧自訴蟋蟀思其憂冰淵多所懼幸接鵷鷺儔
豈爭雞鶩哺惟虞仔肩重遠道屢却顧力孱終易仆識
短敢自護趨走閱歲時提撕謹晨暮依依骨肉親通力
勸本務茂林安並棲密藻暖相聚因之感明時重此春

良遇飲醇心既醉尋詠志餘慕

香樹前輩見招之次日公子立之編修赴中州典
試即用前韻送之

大陵菁莪育滄海龍魚赴知味辨淄澠別色瞭朱素明
堂徵榘枏清廟薦琮璐

恩榜詔旁求銜

命戒徒御白袍方鵠立翹首金莖露棘闌辛苦地是子
報國處尊公屢持銜江楚後先互鑒拔皆宿儒流風被

童孺中州今繼武詞苑增典故浪激黃河冰雲開高少樹
想見花燭紅森沈坐清暑雅裁念庭訓先民循矩步勿
清魚目珠委曰此有數寒攻螢案苦春盜鹿鳴賦點額
有餘忤抱璞更誰訴念彼緄繇人實凜鬼神懼哀逾涸
轍轉急甚飢雛哺苟非冀馬空奚重伯樂顧征郵冒雪
霜行役慎將護公餘式適歸定省承早暮解裝叩行笈
詩卷亦先務我當攜一尊團圞快重聚縷數論文樂暢
述知己遇桃李有新陰千載同所慕

疊韻酬仲君雨時孝廉見和之作

大弨穀千鈞百步遠能赴貫強與穿楊養之在平素圓
流蘊夜光長佩懸寶璐善駕在車後交衡識良御喜子
善叩擊為子一吐露鳥爪快爬背要自知癢處與子舊
通家往來蹤跡互在昔相見初摩頂自嬰孺兩翁尚聯
袂顏髣慨非故却羨挺技才森森謝庭樹子少工綴文
淡墨名早署行看鴈序連高躋登瀛步我老閱人多作
手代有數疇賞夜珠篇疇擅凌雲賦清高霜鶴唳哀怨

寒螿訴逝波日以頽岐路良滋懼昔賢懲玩愒當餐或
忘哺至寶見者珍瓦缶過弗顧所以老農心嘉禾厚培
護寧甘萑稗秋憂切蓬蒿暮春及力菑畲三時勤作務
況子淵源長師友一門聚人豔名家駒分有國士遇遠
大以相期望古應興慕

恭和

御製新正十日重華宮小宴元韻

嘉宴

新裁句是仙墨華猶帶瑞雲鮮雲開彩鳳音迫爾雪擁
靈猊勢躍然燕愷端因逢勝日豐穰早喜驗韶年席前
絡繹傳

天藻不覺瑤階寸晷過

廣颺堂陞慶逢辰繞過

祈年福履申

意切疇咨勤省歲詩徵交儆每先人九枝燈艷迎

清蹕

次日 駕
駐圓明園

古榦梅香報早春排日西清多韻事

侍

臣
惟愧荷

恩頻

蒙

賜時辰表恭紀

秘製協圓規循環二六時輪樞潛轉運鍼杪密推移宮
漏聲相應花磚晷並馳高深函徑寸遲速驗毫釐定理
原無爽安行乃合宜仰覲

垂象切莫問夜何其

題陸芑洲寒山舊廬圖用張文端公韻

蒼烟古木宋林邱

傳為韓平原南園故址

四十年前紀舊遊

予于壬辰

癸巳間過此

入夜泉聲清到枕隔城山色近當樓石間句好

苔紋護洞口雲濃樹杪流

山上為紫陽洞

此日天隨為地主鶯

花一洗向時愁

那得鄉園占一邱匆匆多愧昨春遊早潮乍聽湖邊寺

舊雨難尋山外樓燈舫棹歌供麗囑詩筒茶竈讓名流

因君圖畫重回首又惹東風幾許愁

恭和

御製上元燈詞元韻八首

交光雪月映晴空火樹催開五夜風
遂有玉真來獻壽更排銀榜祝登豐

琉璃寶界望中舒頃刻齊開萬葉渠
此景只除天上見光音寶燄定何如

金猊噴麝翠烟流絲管悠揚倚絳樓
更有瓊表來絕域承

恩仍許綴班頭

庚午元夕準噶爾使臣至特命侍臣觀燈今來使適至亦得入侍

爆竹聲中散夜寒宮壺銀箭報更闌九衢正弛金吾禁
春色熙怡萬象安

慢城燈舫記

時巡花是恒春國化人曲奏迎

鑾仍望幸歌衢此日徧堯民

御圍繪出慶豐圖歡笑喧闐間筑竽那數廣陵明月夜
千門錦繡越連吳

燭照輕紈帶織綾雅裁遠過浙西燈
新詞傳出知難和簪筆多慚職所應
昇平盛事自年年寶網星毬巧開妍
同樂可知原後樂長從不息體乾乾

恭和

御製上元後一日小宴廷臣並命觀燈元韻

堯尊錫宴乍飄漠令節承

恩漏箭停詎數玉堂蓮燭豔從分天祿杖藜青風吹鈞

樂流新調暖入唐花散遠馨燈月光中餘瑞雪勤民

德意信通靈

新詞傳出寫吳綾艷發鰲山

上苑燈

天筆如神驚疊捧仙源有路許同登紫瀾碧海珠千顆

貝闕瓊樓玉萬層最是

侍臣

誇盛遇竒觀何處見來曾

郊園連值大雪獨坐有作

天工欲補冬三白不惜瓊瑤與堆雪同雲暫開復彌漫

直從人日過元夕郊園景色更幽曠淺徑掃餘仍沒屐
冰池平展壓重堅深夜晶光奪圓魄竹枝低亞似媚嫵
松髯高張見標格飢禽簷底噤不鳴枝頭翻墮時有聲
銅瓶火逼風謾謾紙窗冷透燈熒熒圍爐彷彿去年日
趨廬扈

蹕畿南行坐久微聞宮漏響寒簾一望大於掌且占登
麥慰鵲衣那羨探梅披鶴氅笑拈凍管墨不濃觸境無
端情一往此樂應非免輩知獨讓老夫寄清賞

雪夜讀放翁詩成短歌

雪透紙牕寒滿屋起尋詩卷慰幽獨劍南一篇憑快讀
燭花怒生炫心目三垣煜煜列星緯五嶽巖巖奠坤軸
匡廬三疊垂天紳聲激奔雷轉渟蓄幽崖老榦發春姿
獨立冰霜散清馥渥洼萬里絕流沙孤鳳一聲噤百族
輪囷肝胆照宇宙盤礴精神寄篇幅墨華逆射神鬼驚
翩然駭螭朝玉京宣其磨盾飛檄手老作負耒田家行
請看易簣示兒句有淚尚作黃河傾

題畫

白沙翠竹江村曲
古木蒼筤抱茅屋
白雲繚繞隔岸山
窈窕屏風散蛾綠
虛堂簾卷塵不到
周易南華隨意讀
征蓬歷歷過柴門
穩坐苔磯閒濯足
相逢好景不流連
去帆應悔風吹速

園中暮歸示兒

去年此日紅杏園
鐘蘆雪埋煙霧昏
高朋惠言傾綠尊
穉瑜促膝爐火溫
樞間倦馬乾乾草
鐘漏深沈人語悄

夢中一晌兒女懽
帳外荒雞已催曉
今朝相對一燈前
且免離愁千里牽
斜日重城車馬道
老來長自惜流年
題張宗蒼山水應

制

江鄉雨過綠平堤
曲港橫橋望欲迷
湖面一痕烟未泮
屋頭千樹柳初齊
鱗鱗新水魚吹浪
點點飛花燕啄泥
却記年時三月路
靈巖山北虎邱西

沈歸愚宗伯八十壽詩

鬱鬱嶺頭松，矯矯雲間鶴。貞姿千煙霄，高情寄林壑。盛
名稱優遇。

奎文序新作

螭筆畫從容，鷗波遠寥廓。繾綣賦別情，鄭重再來約。棹
遲冰漸開，帆趁春潮落。感

恩意何限，觚稜夢猶昨。遙計覓揆初，老梅纔破萼。安煥
美

賜衣生徒介，康爵更結山水緣。稍解文字縛，髻老骨逾

健步穩性亦樂把臂盼辰年伏生仍矍鑠

御賜詩有
再來應及歲

庚辰
之句

題畫二首

湖村春霽

村舍餘寒半掩扉山行空翠尚沾衣
烟中塔寺晴方見林外湖雲濕不飛
蠶種未分桑葉短蜂衙初散菜花肥
吳儂生計隨時足穩繫扁舟荷笠歸

曲崦幽居

一徑紫紆入斷霞
沿溪畧約自橫斜
飛泉入聽山頭隔
來路回看雲脚遮
孤店新篳浮竹葉
矮窗殘雪對梅花
幽居自煮雲腴片
未識頭綱八餅茶

題青蓮朶十韻應

制

南宋德壽宮故址梅石旁有一峯
獨存節使貢至萬壽山命以是名

亭亭青芙蓉香滿華藏界
夙種清淨根堅固體不壞
飛雲無定姿靈鷲別成派
玉津跡久荒官梅蠹殘繪蛻骨
獨蒼然迴出塵劫外得遇

天人師感應時際會移來萬笏巔添此一螺黛依然妙
莊嚴金光浮沆瀣前因識本來名相了無礙何必向生
公點頭作狡獪

恭和

御製過通州浮橋即景雜咏元韻

碧川直達鳳城東壓水飛梁萬騎通不比年時江上路
橫風細雨片帆中

岸柳千株逗曉光倚風揉綠漸丰昌臨流曾見初栽日

又綰垂絲幾許長

恭和

御製村田即事元韻

青郊農父喜陳情
凍地開時值快晴
聞道南中多雨雪
苦寒曾否事深耕

矮簷舊葺歲添茨
外此端無越畔思
作息自來忘帝力
伊耆而後見今斯

穀纔佈種麥初苗
想見黃雲被隴迢
除道蠲租頻有

詔幾曾釋耒事征徭

恭和

御製翠雲山房杏花盛開用鄧尉看雪海歌元韻

長安走馬非故吾山房扈

蹕重見初東風入髓百卉蘇乘時吐豔肯自誣官梅標
格古來重直冒冰雪爭先舒上林仙杏各擅勝趙昌崔
白徒形模雲裁片片錦為纈露霏點點衫仍紆江南春
雨足風韻酒旗笑問前村途未輸檜柏有老榦縱逐桃

李非時趨託根得地孰似此松
憲坐賞曠覽餘山祇效
靈豈無意連林新彩供清娛
亦如去年臨太湖香海風
信與昔殊衡寒欲放未肯放
留待

翠華遲相需天工點綴無畛域
大造賦予何親疎燕來
春滿曲江曲鶴歸月淡孤山孤
拈題依韻重品目應有
飛夢來東吳應有飛夢來東吳
一耕五獲咨農夫

沆勝之書

耕者以杏華榮落為
候是謂一耕五獲

恭和

御製駐蹕靜寄山莊二首元韻

登畫名區舊往還

迴鑾飛蓋歷松關行來夾徑村村樹坐愛當樓面面山
塔迥冠峯迎遠望林深藏寺待重攀憑欄指點前遊處
多在蒼雲翠壁間

興到佳山輒軒舉吟拈好句似飛來萬峰秀色明還暗
千澗雲容闔後開杏雨染衣天外落松風飄袖谷中迴
未須勝蹟矜南國靈隱湖光鄧尉梅

恭和

御製得槩軒元韻

遨遊何待挾飛仙
坐攬盤中萬景全
秀石巧依奇樹立
古松多向峭崖懸
嵐光紫翠紛成幻
峯勢低昂各負妍
獨有

清襟能領要
此間佳處在天然

恭和

御製少林寺元韻

携得嵩雲寄遠懷
春深山氣日多佳
松陰寂向經幢轉
泉韻高惟絃軫諧
虎伏禪心時飲澗
鸞迴

天筆徧磨崖
尋幽濟勝難兼得
幸奉

清遊處處皆

恭和

御製天成寺元韻

覓路行循曲澗泉
山樓勝賞得清便
林深信有天成趣
寺古從叅本色禪
證取舊題凡幾度
拈來佳處祇當前

可知妙不關人力草自青青花欲然

至盤山日與人覓小徑循山麓行道旁清泉一泓

居人作平橋小亭其上同錢香樹前輩小憩

西來望田盤秀色雲表插朝行犖确徑危石勢將壓何
期冽沆泉涓涓溜出牖藻荇淨可數輕條紛噉呬柳萸
新吐色下有淒波鴨停驂步橫碕渺若過苔霅孤亭欲

誰待我輩來款洽莫問放鷺人豈換右軍劄

亭間小記
謂山有放

鷺堂
故址

尋幽雖無心得趣齊廣狹邂逅接佳士寧必

日相狎好境不虛設暫過當留貶且喜得新題添
詩付隨筴

三月一日作

南船北馬鎮悠悠幾度

驚旂扈勝遊不奈韶華如逝水去年今日到杭州

和香樹前輩題

山莊門外杏花五絕句

田盤萬杏倚雲栽扈

蹕清遊七日纔到是初開去將謝此行端為看花來
山中泉石總能竒落落高松遠翠披應為山容太幽寂
調朱特與發春姿

底問青帘賣酒家

山莊敞處豔晴霞南梅北杏經

題品等是東風第一花

御製近有東風花事正絕
勝南梅北杏言非誣之句

穠華得氣本清新剪綵何曾許亂真
牕外一株標格老
夜來雨足更精神

牆頭醉客綠楊絲

天上仍開爛熳枝好為名山添勝概留將老幹未嫌遲

三月二日

詔扈從諸臣遊盤山

由敦

適以事不及追隨奉呈香樹

前輩

盤山凡幾到自笑懶性便此來扈

清蹕七日方云旋

行在頗清暇侍臣許遊山是日天氣清碧空掃晴烟岩

花紅亞帽礪葉香紫鞭諸公理飛鞚身輕欲成仙而我
以事羈覲面終無緣將非性所樂故爾分獨慳笑語謝
諸公此事不偶然嘗聞諸讀書得意無愚賢或插架萬
卷或伏案一編伊吾守章句卓犖忘言詮竭自

翠華來

幾餘暢躋攀東西兩甘澗千相古中盤萬松與天成直
至雲罩巔所至必留咏所咏必極妍一一得讀之了了
在目前諸公今日遊倚石聽鳴泉如取二三策訓詁畧

講研若究其突奧幽討將窮年何如卧遊者為能得其
全泉明觀大意未礙琴無絃果見真面目豈在松石間
試問田先生證之定光禪

山有定光
佛舍利塔

扈從即目

六飛御天行萬騎浩雲擁勾陳雙旌肅翼衛八纛聳前
驅自整暇後隊遂紛冗難區駕駿材莫齊毛物種連駢
密排牆超越倏騰隴乘高競先登遇隘益填壅勢凌風
雨驟氣逼潮洑湧羽林誇逸足逐塊時一駭同儕紛並

轡快意示賈勇罔顧官馬勞流汗浴蹄踵奴豪無不為
喧呼雜嘲詢奔馳嗟甚憇蹊蹠尚矜寵顧笑書生酸筍
輿默端拱

日景

幾務間較射命羣耦

雕弓一以穀杯水可置肘雍容表

天度十發中八九旁觀盡神竦噴噴不容口在列以序
升各自效能否沈雄徵定力調適讓老手挽強力不任

效贖嗤里婦先事輒技癢失意轉追咎餘子徒紛紛自
鄒抑何取豈無一二中薄弱增猗醜射餘進角觝徒博
氣桓糾赴敵乍矜厲旋轉急紛紜伺間擬攻瑕堵拄巖
拒守強項互攀抑捷脰猛擊蹂屍高疑折腰頸蹙戾交
首屢撼屹不搖小挫未可徂健往逞專決巧發劣取負
顛若山傾頽喘類虎號吼得失爭須臾戰慄變劔忸當
場足取快用志在不苟程能志毅率角壯力抖擻平居
作其氣習服循善誘責實舉若茲何憂混苗莠

筍與卽長路騶卒踵相躡較量咫尺近奔赴貪利涉或
云南坦夷或云北徑捷多岐偏自遂嚙啗意不協果陷
澤沮如忽阻石積疊時時切忿怨往往騰口頰要非問
已經更乃目未接冥行恒易躓成見况先扶欲速則不
達此理近舉睫

輦路直如弦荆榛戒旁躡好語慎前途履坦庶心愜

松泉集卷十九

欽定四庫全書

松泉集卷二十

壬申下

吏部尚書汪由敦撰

恭和

御製御園雨中流覽元韻

愛此知時雨連番未決旬陰雲先五夜朝隤驗初寅徧

洽人心喜優霑

帝力神芳菲隨

步輦行處浥香塵

燕歸偏訝早鳩語信堪憑幽意畫難到

清遊興可乘萍池添縠皺蓮岫待雲蒸更指空濛際西

峯遠黛凝

夏淺留春煦林深過雨清柳禁餘濕重花愛及時榮新
水看魚戲先晴應鶴鳴漸無右丞句

天藻迴難賡

恭和

御製六月七日御門聽政後命諸王大臣隨侍泛舟觀

蓮元韻

啟事晨曦迴

幾餘晝景良蓬壺多勝賞桂楫許聯行淨植明初日清
陰滿曲塘漣漪紛濯綺

仙館靜招涼韶奏調輕籟薰來散遠方

宸章宣

德意時若凜幾康

奉祝相國福公八十壽

宿德

三朝峻耆年八表崇師資尊舊學相業表和衷佚老懸
車早優賢

賜杖隆共推人瑞慶鶴立有仙風

中外論勲望吾師孰比量棠甘南國雨柏勁左臺霜鈴
索瀛洲署琴尊綠野堂雍容多盛業

綸綍載

恩光

帝眷優殊錫

天章重不名

賜詩稱先生而不名

龍牋映華袞鸞榜耀軒楹盛

典邇疏傳高年擬伏生孫曾扶拜處國老頌昇平

憶昨登科日文章屢受知相從三十載祝嘏百齡期道
穎詢黃髮情深頌紫芝願常隨杖屨日誦武功詩

恭和

御製再詠玉韞元韻

挽強自分愧丁男
比德仍聞秘製諧
恰稱鈞弦穿過七
何勞抱璞獻來三
風人托興應能甲
楚使陳詞豈漫談
山水元蒼多拜

賜虹光重見

睿章涵

恭和

御製元韻三首奉送香樹前輩南旋

文思眷宿儒

寵行不虛作吳門

謂沈邱愚宗伯

與長水先後如有約鷓鴣同

惜別猿鶴豈責諾驅炎納新爽完神謝衆鑠

大造有全功安心斯要藥感涕誦

宸章何讓都俞樂

道範樹高華大雅振奇作德劬意彌冲宦成守唯約披
豁對衆流任真無唯諾偶復疲津梁不掩精景鑠

睿慈一以鑒拜受長年藥匪云慕林泉為園名獨樂

辛盤雪中篇甲帳花下作藉暢鬱陶情更締繾綣約驪

歌行有期郵筒申賤諾百戰老將心善飯矜矍鑠贈言
當苦口養性得中藥無為鏤腎肝運斤恣餘樂

恭和

御製塞上秋蒐奉

皇太后自圓明園啟蹕元韻

時田巡近塞

命駕及新秋

色養承

家法懷柔裕遠猷層巒勤

日馭坦道達星郵厘切郊原稼

親從輦路諏山莊擅形勝天趣洽飛游遙指
稱觴處蓬壺最上頭

恭和

御製長城元韻

設險心雄蓋代豪連雲睥睨尚堅牢關前霜月長鋪雪
山外風沙怒卷濤守在四夷知有道倚來萬里惜前勞

時平久已無中外城下深耕解佩刀

恭和

御製涼元韻

地形天意兩相為頓覺涼颼襟袖披玉塞乍臨原異候
金官有令恰乘時雨餘深谷風來勁雲際層峯日上遲
為念

鳳城砧杵急授衣端已屢

宸思

恭和

御製桂元韻

霏霏金粟露
華鮮香藹西池捧

御筵森挺漫誇台嶽賦

八桂森挺而凌霜
見孫綽天台山賦

連卷未數小

山篇影搖塞北臯塗
近子落輪中月字連珍重

宸章掄探意一枝應許却家賢

恭和

御製疊中秋帖子詞元韻

廣寒高處自清閒
輪滿仙枝不待刪
金粟光中現

金母曾孫懽笑慢亭山

滄海珠明萬里光

彩毫揮處發天香
銀蟾玉兔誰曾見
只有清暉鎮滿匡
譜曲何勞命法師

瑤牋五度疊新詩
賸歌重喜來龍塞
典故憑添紀鳳池

御製塞上中秋帖子至
今五疊臣恭和者再矣

雪擁

仙莊十二樓清虛玉宇最宜秋一輪正協如恒頌笙鶴
還聞度嶺頭

恭和

御製霧元韻

秋山曉霧景最奇遠近峯嶸頃刻移彌漫歛忽海濤立
開眼直到崑崙西山靈迎

驛爭獻技大澤豹隱安能為霏雲屑雨沃陽曜搖曳倏
現雙黃旗乍濃忽淡互掩映繡林時露經霜枝欲收丰

捲沉谷底芙蓉朶朶浮清池天工人事極神變白義飛
鞚空中馳昉分羽騎布巖巖蹄聲弓影咫尺迷合圍披
豁碧宇淨廣廣麋何紛其孱生少見驚咋舌道左

一顧笑且咨有如塞山兼塞草拈來新景添

新詩

是日失道先行 駕至蒙 恩顧問是
以 御製詩有肩輿得得來翰苑之句

次韻答蔣恒軒尚書

聯鑣又過碧山頭三載俄驚歲月流

己巳秋同
扈從木蘭

多愧衰

遲遲授簡燭光搖動墨光浮

彩筆由來承右相華文早自擅徐陵龜廬揮灑餘清興
過譽翻慚力弗勝

賜鹿恭紀次恒軒尚書

廣場佗藉選禽便效獲旌門拜

賜偏龜帳弄來蹄角並

玉音宣處姓名連

宮門與尚書

賜鹿皆奉書率同分一鹿故云

口教予

野庖行

久還排日

自初獵後連日得賜

驛騎馳頒紀往年

上年未與鹿從蒙迎中馳

賜

自笑枯腸詩思澁總憑妍唱與分鮮

賜野豬肉次恒軒尚書

擊鮮分野燕仍許拜

恩同續武傳幽俗騶虞擬國風
非關出牢圈且莫辨獬豸
縱安飽寧知味慚生鼎臠中

恭和

御製園中獲白麇元韻

去秋蒙古台吉必力滾達賴以
白麇進命為之圖
禦詩麇

和今于巴顏河
落又生致此

神麇呈皓質表瑞應瑤星為祝成湯網來儀

金母庭霜披斯跂跂玉照迥亭亭致匪勞置鋏逢疑採
木苓八圖供

睿藻夾轂繞雲耕

文囿同攸伏嘉祥喜再經

恭和

御製行園四詠元韻

撒圍

聯鑣凌險出夙戒戴星行番部公徒盛軍容號令明林

羽無虛發鳴弦彈效能縱觀容立馬

恩數荷頻仍

屢蒙
敕觀園

特

罷園

三驅循古制連發奉

慈懽乍却魚文服還彈貂尾冠

哨鹿之冠以
貂尾為之

割鮮先視

膳拜

賜許登盤歸帳紛千騎森森挺白竿

獵士多以白木為
槍竿負之而騎

八月二十八日

命至圍場觀獵恭紀

龍沙繡嶺秋早霜天留奧區作獵場順時行獮

神武揚藩部選徒千二百萃從沈溶盡賁獲蜚虎游臬
手能格霜蹄蹴踏披雲根雙寒風轟排天閭包叟蔽寧
氣可吞駭鹿驚麋困奔仆希間突衝橫錯互羽林櫛比
扣餘怒黃間滿設動有神呼聲颯拉凌高昊一開生路

昭

皇仁霧散塵開各騰薦獻尾旌門如獻馘

園中射鹿先
割其尾以獻

糞車載之輸于慢城南門以待頒賜司車箱駝背紛佗
歟者數尾即可知獲鹿之人與其數云

藉上林羽獵矜奇觀扈游

異數容據鞍承

恩一洗書生酸

虎神鎗歌

有序

虎神鎗者

聖祖神皇帝嘗御以殪虎命曰神鎗志異也

皇上行圍所至暫御負之以從猛獸當之無不摧斃者

今秋岳樂園中於三百餘步外殪深洞中伏虎

御製文紀其事

臣

竊謂鎗固神抑由

智勇天亶用之者神也敬為之歌

塞垣嵒嶮伏虎多壓山壯士排長戈

行圍先命獵士操戈搜捕林谷謂之

壓班斲白額恃牙爪獨踞深洞藏巖阿巖阿百尺徑路

絕隔谷獵徒來指說

聖主前岡正合圍手舉神鎗繞一瞥電掣橫飛星火流

雷轟直劈蒼崖裂怒吼狂跳強負嵎陷腦洞胸俄掃穴

神鎗奇中此最奇精良溯自

神祖貽軼才狡獸隨所施發無不貫無不糜火攻猛烈
豈輕試除殘去惡理則宜獵場引滿日飛鞚藩部萬人
爭目送幽陰厲合往輒摧共仰

天威果天縱

揮毫帳殿昭法守鱗武詰戎邦政重珣戈垂矢典冊陳
夏鼎商盤謨誥誦寶傳武庫鎮五兵神器善承須善用

恭和

御製新月元韻

半鉤新月塞垣西流照

帷城影漸低
遠樹排來疑
桂闌層峯
銜處接雲梯
一天星彩繁
交映千帳燈
光淡欲迷
猶記興安對
初雪隔年
詩句更重稽

恭和

御製九日元韻

塞山行獨歷
周遭重九初
經引興豪從
道年年多攬
勝

此間日日是登高
嶺頭風勁憑吹帽
林外霜濃正染袍
賜出花糕酬令節
題來祇共仰

仙毫

恭和

御製村行元韻

甌脫萬山深耕耨
比漸侵石田新有
獲村釀熟堪斟茅
舍從教穩桃源那
更尋轉看生聚衆
仍用厓

堯心

恭和

御製波羅河屯行宮作元韻

輦路逶迤待獵歸

離宮閒敞暫相違菊香過節留餘艷

時重陽後二日

松翠凌空

散遠暉

庭中古松極有致

弭節偶閒從味道時巡深意在防微

山莊隔日應重到坐攬朝嵐與夕霏

紅葉

老樹絢霜朝丹黃入望遙留教攄晚艷原未競春韶隔

嶺悲先謝同林幾後彫
菟枯知有分行待振芳條

予以康熙辛丑壬寅來熱河寓徐文定公半山堂
今三十年矣感而有作

昔坐翠微間攤書白晝間
至今成皓首重此對孱顏
謝墅烟雲杳灤波日夜潺
平生幾游歷也當故鄉山

蔣恒軒尚書於行帳中為潑墨寫生小冊屬題二
首

白草丹楓別擅奇
秋風朔塞晚秋時
氍毹自按華光譜

鄧尉林中第一枝

籬豆花開紫翠橫西風瑟瑟晚涼生誰知剪燭揮毫處

僧吉圖邊絡緯鳴

豆花絡緯木蘭中僧吉圖山蒙古語嵌空山也地多絡緯較內地者小

而善鳴中官率捕之入都經春猶唧唧有聲

賜御厰馬恭紀

喀爾喀台吉定邊左副將軍成衮扎布所進黑花馬

賜出飛龍騎來從瀚海陰騰驤神侔儻顧步氣深沉頓

有據鞍興差酬伏櫪心金門重一過振鬣每長吟

題望雲歸棹圖送薌林冢宰南還侍養恭和

御賜詩元韻

權指南雲發循陔未挂簪臣期伸子職

帝許慰親心畫繡斑衣綵龍光翰墨林迎

鑾遲後約撰杖及春深

廿載承明直朝朝喜盍簪還歸

仁主眷贈別故交心帆飽迎風浦鳥啼返哺林江潮與

湖水長共

聖恩深

敬題

御筆做倪瓚葉湖別墅圖

倪迂墨妙稱逸品簡淡有似詩中陶葉湖尺幅入寶笈
賞真寄興揮

仙毫經年觸景一追寫恍如重泛春江撓境從

親屈指可數意得象外神相交疎松直排隔堤柳瘦竹
淨拂三逕蒿節堂幽敞水雲際桑陰稻雨松陵橋

幾餘游藝信偶爾遠趣獨契高人高英華收歛歸淡泊

中有至味含春韶

題畫四首應

制

山水多成趣蒼然秀可餐
峯稜餘戍削石磴足盤桓
瀑響晴時雨溪深夏月寒
何須越中路晚飯舵樓看

遙景憑神解偏宜靜者論
岩幽兼樹色岫遠只雲痕
空翠濕晴照孤烟澹暮村
石橋誰倚杖或恐是劉根

樓閣重霄裏微茫數點烟
林聲風靜後人跡鳥飛還
相對

松皆老無猜鹿亦仙溪山有如此晨夕助清妍

墨情工澹寫景色總天成一氣青蒼合千層曲折明絕
勝廬阜望還過輞川行憶昨陪

宸幸西山翠靄橫

錢司寇南還以舟行紀程諸詩書奏冊

御中有孔司馬傳檀招遊錦春園即事用杜詩初發秦
州韻之作蒙

御製和章書金粟牋卷馳

賜并

命內廷諸臣屬和

遭逢有神契道合如相謀詩老去吳中

謂沈宗伯德潛

繼躅得

秀州鳴鶴徹九霄歸鴻厲三秋養真非樂閒適趣從探
幽問津指瓜步名園俯平疇撰杖携邁過掃徑尋羊求
尚憶昨年春同扈

青雀舟瀕江開勝地清曉奉

宸遊仰瞻

鸞鳳榜長志

卷二十

恩顧稠重經感歲月撫跡增喜憂馳奏當蜡節遠報征
帆收新詩塵

乙覽上荷

玉案留最喜杜陵篇飛牋下螭頭矢音蒙

賜和優老皆名流

沈宗伯詩嘗蒙
和韻書賜

吳越近相望山館虹

光浮餘情致私懷雲樹長悠悠

恭和

御製塞山雲海歌元韻

黃山之雲若溟渤湧現軒轅華蓋闕

臣家雖近未見來

今茲扈

蹕何幸躬逢哉塞山秋清翠無比雲之族兮毓於此

聖人親駕六玉龍龍行雲從自其理幔城曉啟紅燈懸
前旌俯視千峰巔千峰萬峰倏開闔峰峰雲起作勢俄
絲延隨風飄渺三神山驚濤起伏百谷川綢緼瀕洞峴
登騰軒鴻濛雲將為擴詩境界溶溶澔澔隨吟鞭須臾

豁露扶桑旭萬里迅蹕蓬洲船
條池碧城樹鬼爰九朶蓮木蘭
山中得此奇絕景即用容成竈
畔招飛仙瀾翻墨海亂縵篇即
令親見黃海何能比此馬

題高使相五清圖小照

永月松梅竹

堂堂紫髯翁冲襟皎冰雪正學
溯宗傳德望希前哲高牙與大
纛何足為稱說披圖得其真即
境盡芳潔耿耿一寸心百尺寒
潭洌淪漣平不波印此萬古月
長松振竿籟磊砢勁於鐵疎梅
吐幽芳疎篁抱高節是稱歲寒

交可親不可棄愛此氣味同俯仰森並列澄觀契理要
豈事耳目悅乃知古人豪本源貴朗徹勲業炳宇宙胸
次自超絕長吟為三歎斂衽奉圭臬

癸酉春帖子詞

玉琯開寅正璿圖應甲先三陽迎旭景萬宇報豐年
曙色曠曠聲歲新陽和瑞霽集昌辰

朝元恰值迎春日九十韶光數最勻

癸酉元
旦立春

爆竹聲中絲仗開履端

親捧

萬年杯銀鐺寶勝宜春字併句

慈宮獻壽來

丁松泉集卷二十